



UNIVERSITÄTS-
BIBLIOTHEK
PADERBORN

Orator Christianvs Caroli Regii E Societate Iesv

Reggio, Carlo

Romæ, 1612

Christus Mediator, Rex, Pastor, & Aduocatus. cap. 6.

[urn:nbn:de:hbz:466:1-68672](https://nbn-resolving.org/urn:nbn:de:hbz:466:1-68672)

Titulo seru-
tutis, quanti
debeamus
Christo Do-
mino.

Ioan. 13.

1. Reg. 3.

In Conf.

Li. 10. c. 36

1. Reg. 3.

Iob. 1.

Ioan. 17.

1. Cor. 5.

Luc. 17.

1. Tim. 2.

Mediatoris
tres conditio-
nes.

gloriatur se vt seruum Christi signatum, stigmata Domini portare in corpore suo; & ijs seruitutem suam palam profiteri; Et quidem Christus non solum vt Deus; sed etiam secundum humanitatem ratione vnionis dominium habet uniuersorum; sed maxime in Cruce dominium hoc acquisiuit suo sanguine; vt vere dicatur quia Dominus regnauit a ligno. Ex hoc loco saepe argumentari licebit, vt non pudeat nos seruos facere quod Dominus dignatus est ipse prestare; quare Apostolis ait; Vos vocatis me magister; & Domine; & bene dicitis; sum etenim; si ergo ego magister; & Dominus laui pedes vestros; & vos debetis alter alterius lauare pedes. Si est Dominus ergo eius verba; & attentissime audire; & diligentissime oportet nos seruare; vt animo promptissimo semper eum intuentes dicamus cum Samuele; loquere Domine quia audit seruus tuus; & cum Isaia; Ecce ego mitte me; Et cum Augustino da quod iubet; & iube quod vis; etiam si percutiat nos; a quo; imo; alacrius imo omnia de manu eius toleremus; dicentes; Dominus est; quod bonum est in oculis suis faciat. Et cum Iob; Dominus dedit Dominus abstulit; sit nomen Domini benedictum. Si Dominus pro seruis iniurias easque grauissimas a quo animo passus est multo magis pro Domini gloria seruus patiatur necesse est. Si me persecuti sunt & vos persequentur; Non est seruus supra Dominum; debet plane seruus totus Domino esse addictus; eique viuere; ita Christo omnes Christiani; vt Recte docet Paulus Christus pro omnibus mortuus est; vt & qui viuunt iam non sibi uiuant; sed ei qui pro ipsis mortuus est & post parabolam seruientis Domino; infert Christus; Nunquid Dominus gratiam habet illi seruo; quia fecit quae ei imperauerat? Non potest sic & vos cum feceritis omnia quae praecipit sunt vobis; dicite serui inutiles sumus; quod debuimus; facere fecimus.

Mediator, Rex, pastor, & Aduocatus. Cap. VI.

Tertio gaudet Christus mediatoris titulo; vt Paulus vocat vnus Deus; vnus; & mediator Dei; & hominum; homo Christus Iesus; qui dedit Redemptionem semetipsum pro omnibus. Optime autem Medij ac mediatoris ei condiciones conueniunt; nam secundum philosophos vt aliquid dicatur mediū inter duo; debet primo ab extremis distare; debet secundo de vtroque extremo participare; & aliquam cum vtroque affinitatem habere; & tertio in eo extrema debent simul conuenire quem-

quemadmodum ob has tres proprietates, inter spirituales sub-
stantias, & corporeas medium quid est homo. Certè Deus &
homo maximè distabant, sed ecce filius Dei idemque Deus, ho-
mo factus est, vt homo, est patre inferior, vt Deus, homine supe-
rior, quæ est prima proprietates; participat deinde ex Deo infi-
nitatem, gloriam, omnipotentiam, ex homine naturam, penas,
mortem, quod est secundum; sunt autem hæc duo ita vnita vt
sit vna persona, idemque Christus verè dicitur mortalis, & im-
mortalis, finitus, & infinitus, in eo maiestas diuinitatis, & hu-
manitatis miseria vnita, quod est tertium: Itaque optimus est
mediator, & Deum homini vnire potuit, & hominè Deo. Quis
tantum mediatorem non celebret & non æstimet, non amet? per
quem cum tanta dignitate Deo reconciliati, atque adeo tanto
nexu colligati sumus in ipsomet Christo; & per eiusdem fan-
guinem ad Dei amicitiam reuocati? Quare Paulus antequam
titulum mediatoris Christo attribuat, ait; Christus assistens
Pontifex futurorum bonorum, per iamplius, & perfectius taber-
naculum non manufactum, id est, non huius creationis, neque
per sanguinem hircorum, aut vitulorum, sed per proprium fan-
guinem introiuit semel in sancta, æterna redemptione inuenta:
postea subdit, Et ideo noui testamenti Mediator est, vt morte
intercedente in redemptionem earum præuaricationum, quæ
erant sub priori testamento repromissionem accipiant, qui vo-
cati sunt æternæ hereditatis. Itaque nos per hunc mediatorem
non ad terrena bona, sed ad æternam hæreditatem vocati sum-
mus; propter hoc Christus vt testamentum firmaret mortem
subijt, per quam nobis hæreditas succederet; modo ea præste-
mus quæ à nobis noster Mediator exigit, alioquin hæreditatem
privandi. Quarto Rex noster Christus est, cuius maiestatem
describit Hierem. Ecce dies veniet dicit Dominus, & suscita-
bo David germen iustum, & regnabit Rex & sapiens erit, & fa-
ciet iudicium, & iustitiam in terra, & hoc est nomen quod vo-
cabunt, Dominus (in Hebræo est nomen Dei IEOVA) iustus
noster; ergo vt Deum adorare debemus & colere, & quia ho-
mo, sapiens & iustus, eius legibus parere. Et Zachar. Ecce Rex
tuis venit tibi mansuetus, humilis, & pauper: Turpe est nobis
non sequi mores nostri Regis, & non induere eundem cum ip-
so habitum; & quia sumus regnū eius, debemus seruare quod
Paulus docet Regnum Dei non est esca, & potus, sed iustitia,
& pax in Spiritu sancto; Et cum simus de Regno Christi, debe-
mus fugere Regnum mundi, cum ipse dixerit eorā Pilato;

Christus est
homo

1. 1. 1.

Hebr. 9.

1. 1. 1.

1. 1. 1.

Christus est
Rex noster.
Cap. 23.

Cap. 9.

Rom. 14.
Ioan. 18.



Christus Pa-
stor.

Regnum meum non est de hoc mundo, non enim licet nobis utriusque vexillum sequi, sed alterutrum necessario est sequendum. Quinto in scripturis sacris Christus nomen habet Pastoris, quem oves, & amare, & agnoscere, & sequi debent: ipse met se pastorem, & pastorem bonum vocat, & tam bonum, & amantem ouium, ut etiam animam pro ouibus posuerit, quidni & oves pro pastore sui gloria, pelles atque adeo vitam ponant? oves certe Christi summi pastore illi sunt qui ut ipse apud Ios. docet cognoscunt pastorem, sicut & ipse cognoscit oves, & vocem eius audiunt, & sequuntur illum. Oves debent in bono pastore confidere, & eius virtuti adherere ut a lupis defendantur, & dicant, Dominus regit me, vel ut alij legunt, Dominus pastor meus nihil mihi deerit, & quæ sequuntur. Debent ad pastorem regi, & in eius pascuis esse continuo, Vnde Ezechiel dicit

Io. c. 10.

Cap. 34.

fuscitabo super eas pastorem unum qui pascet eas seruum meum David, & ipse erit eis in pastorem, & faciam cum eis pacem pacis, & cessare faciam bestias pessimas de terra. Et concludit totum caput, vos autem greges mei pascua mea, homines estis, & ego Dominus Deus vester dicit Dominus Deus: quid dicat ego vos pascam, ego vestri curam geram, modo vos cognoscatis vos homines esse, & me audiatis Dominum Deum vestrum. Ex hoc loco D. Petrus hortatur Christianos abstinere a carnalibus desiderijs, conversationem inter gentes habentes bonam; Et addit multa alia documenta quæ omnia illo argumento nituntur, Eratis enim sicut oves errantes, sed conuertit

1. Pet. c. 2.

estis nunc ad pastorem, & Episcopum animarum vestrarum.

Aduocatus
noster Chri-
stus.

Sexto, Aduocati etiam munus pro nobis gerit ut homo apud Patrem suum, non solum, ut Paulus ait, in diebus carnis sue preces supplicationesque cum clamore valido, & lachrymis offerens, sed etiam assistens nunc vultui Patris ad dexteram eius ostendit aduocatus Patri pro nobis latus, & vulnera, quorum

Hebr. 5.

in hunc finem cicatrices perpetuo seruat sicut idem Paulus ait.

1. Ioan. 2.

Quare merito Ioan. hortatur ne sub tali aduocato desperemus in causa nostra, Filioli, ait, hæc scribo vobis, ut non peccetis, sed si quis peccauerit aduocatum habemus apud Patrem, Iesum Christum iustum, & ipse est propitiatio pro peccatis nostris.

Hebr. 12.

Et Paul. Non enim accessistis ad tractabilem montem, & ignem accensibilem, & turbinem, & caliginem, & procellam, sed accessistis ad Sion montem, & ciuitatem Dei viventis, Hieru-

Hierusalem caelestem, & multorum millium Angelorum frequentiam, & Ecclesiam primitiuorum qui conscripti sunt in caelis, & testamenti noui Mediatorem Iesum, & sanguinis asper- sionem, melius loquentem quam Abel; Ex quibus bene infert, Videte ne recusetis loquentem si enim illi non effugerunt recu- santes eum qui super terram loquebatur, multo magis nos, qui de caelis loquentem nobis auertimus. Ex hoc Cyprianus docet Christianos eiusdem aduocati verbis in precibus uti, Amica, (inquit) & familiaris oratio est Dominum de suo rogare, & cum ipsum apud Patrem Aduocatum habeamus pro peccatis nostris, quando peccatores pro delictis nostris petimus, aduo- cati nostri verba promamus.

De Orat. Do- minica.

Alij Tituli Christi. Cap. VIII.

IN hanc modum licebit Oratori Christiano ex innumeris Christo conuenientibus titulis argumenta varia deducere ad multa persuadenda: longum esset in singulis immorari. Est enim praeterea Christus noster Dux, Saluator, Protector, Magi- ster, Via, Veritas, Vita, Lux, Ostium, Pax, Fons, Signaculum, Amicus, Frater, Sponsus, Haeres vniuersorum, denique omne bonum nostrum. Ex his titulis quam magna existit argumen- torum seges? Dux est & nos eius milites, ergo debemus in no- mine Iesu & virtute eius, non nostra, acriter, & alacriter, non solum aduersus carnem, & sanguinem, sed aduersus spiritua- lia nequiciae pugnare, sperantes & nos cantaturos cum Paulo Deo autem gratias, qui dedit nobis victoriam per Dominum nostrum Iesum Christum: & poterimus hortari etiam alios, vt Paulus subdit ibidem. Itaque fratres mei dilecti stabiles esto- re, & immobiles abundantes in opere Domini semper, scientes quod labor vester non est inanis in Domino. Est Saluator, ergo ab eo habemus gratiam, qua est salus animae iustificata, & glo- riam qua est merces aeterna in caelo. A Christo habemus gra- tiam iustificationis, & remissionis peccatorum, quod est sum- mum beneficium: habemus ex eiusdem Christi meritis donum Perseuerantiae, & vt opera nostra merendi vim consequantur, tum maioris gratia, tum ipsius beatitudinis augmentum. Sed haec omnia ita habemus a Christo, vt nostra cooperatio sit ne- cessaria vt Christi merita nobis applicentur, alioquin nil pro- derit nobis Saluatoris industria. Ideo sapienter Paul. Appa- ruit benignitas, & humanitas Saluatoris nostri Dei, non ex ope- ribus

Christus Dux.

1. Cor. 15.

Saluator.

Tit. 3.



UNIVERSITÄTS- BIBLIOTHEK PADERBORN